

LAMAKGATLAJA LAKGKGAWASÁN CHU LAKTUMAJÁN
XALAKGMAKGÁN PULATAMAN LATA IXLITILANKA MÉXICO 2009

Lakpustamaka xlakata lakgkgawasán xawa laktumaján katapagtanulh nak pulamakgatla, tlan tapagtanu li'akstu nachuná xaliputum nema tamakgpuntumimana ixtalatamatkán, nachuná tamatiwekghmana ixtalatamatkán nak ixpulatamánkán chu nak ixpakanatkán, paks lakgkgawasán xalagmakgán pulataman, makgachiwinanin, xanapuxkún pultaman, nachuná kakilhanikán xanapuxkún pumakgsin xlakata katamalaknulh ixtachixkuwit nema puwan xlakata mininí kalagchixkuwika xlakata namaghlthinán **Taskiw Xalagkgawasán xawa Xalaktumaján Xalagmakgán pulataman lata Ixlitilanka México 2009**, chu namakgantaxi tu wan limapakgsin:

1. **Tlan tapagtanú.** Laktumaján xawa lakgkgawasán nema talakyana 12 anta 29 kata chu talamana nak lanka pulataman México, xawa ixkiltsukutkán minacha nak xamakgán pulataman.

2. **Putunu**

“A” putúm nalá nema takgalhi 12 anta 18 kata.

“B” putúm nalá nema takgalhi 19 anta 29 kata.

Nila ta'amana tapagtanupala lakgkgawasán xawa laktumaján nema kamaxkikanitá **Taskiw Xalagkgawasán xawa Xalaktumaján Xalagmakgán Pulataman lata Ixlitilanka México**.

3. **Taskujut nema mininí taskiw**

I. **Matlanitihakán pulataman.** Ju'u tlan kamalaknukán lakgkgawasán xawa laktumaján nema tamakgtayamana ixpulatamánkán xlakata tlan natalatama tachixkuwit nak ixpulatamánkán xlakata paks natakgalhi tu tamaklakaskín nak ixtalatamatkán.

II. **Matlanikán takgalhtawakga xawa matliwekghkán latamat xalak makgán pulataman.** Ju'u tlan kamalaknukán lakgkgawasán xawa laktumaján nema tapaxki ixtalatamatkán xawa ixtachiwinkán, nachuná namakgpuntumimana, tamasinimana atunu natachiwinán ixtachiwinkán, talikgawá ixtachiwinkán, nachuná ti tapaxkimana ixtalatamatkán, talimakgchiwinán ixtachiwinkán chu tamalagnú tipakgatsi tapuwán xlakata namatiwekghkán lan latamat.

III. **Makgtakgalhán chu maklakaskín tu anan nak katiyatni xawa nak kakiwin.** Ju'u tlan malaknukán lakgkgawasán xawa laktumaján nema tapagtanumana chu talakapuxkumana xlakata tlan nachananankán, nachuná xlakata ni nalagtsankgá tu anan nak kakiwin, ni malagtsputukán kitiistankanin, ni likgamanankán chuchut, nachuna ti takuentajmana katuwan chu talikgawá tu anan nak kakihitamakú.

IV. **Maklakaskinkán likuchu xalak kakiwin.** Ju'u tlan kamalaknukán lakgkgawasán xawa laktumaján nema tamaklakaskimana likuchu xalaka kakiwin nachuna ti tamasinimana atunu xlakata ni nalagtsankgá xalagmakgán liskgalala, tamaklakaskín xlakata tachixkuwit nachuná litalakgapasni paks tlan katalatamalh ni kakachapalh tatar.

V. **Limakgchiwinankán tu kamininí tachixkuwit.** Ju'u tlan kamalaknukán lakgkgawasán xawa laktumaján nema tamakgpuntumimana nachu ti talimakgchiwinán tu kamininí chatum chatum tachixkuwit xlakata tlan natalatamá.

4. **Tamalaknunán**

❖ **Ti malaknukán.** Tlan pulhuwa pumapakgsin tamalagnú chatúm kgawasa chu chatúm tsumat. Nawankán tu xlakata limalaknumaka, tu tlania tlan tu tlawanit nak ixpulataman, tuku limakgtayanit.

❖ **Ixkatsi talaknú.** Natlán ixkatsi talaknú chatúm kgawasa chu chatúm tsumat chu nawán tu tlan taskujut tlawanit xlakata natatlani ixpulatamán.

5. **Makamastakan kapsnat**

a) Nama kapsnat namalulokga tikuya chisxku wix nachuna tikuya tsumat wix:

- Nawán ixlawán mintukuwini nachuna ixliakgtuy chu ixli'akgtutu, pala liputum malaknumaka chu nawali ixtukuwini xalipokgtum.
- Nawali ixtukuwini tukuya taskujut nema minini taskiw.
- Nawali tukuyá kata, papa chu chichini lakgawa.
- Nawali tukuyá makgán pulatam tapakgsi.
- Nawali nejeyá ixlawán tachiwin katinilh nachuná nejeya tachiwin astán katinilh.
- Nawali tuku liskujma nachuná tuku likgalhtawakanit.
- Nawali ixtukuwini ixpulataman, ixtukuwini xulalh, xaliputlekgen chiki, ixtukuwini xakachikín ixpulataman, ixcódiigo postal, chu tukuyá estado, nachuna nawali xaliputlekgen ixpuchiwin, chu ixcorreo electrónico.
- Nawali pala pakgtanupalanitá tunu pulamakgatla.

Ti putúm tamalaknumana natawali ixtukuwi ti ama kalakapuxkuní, xlakata nanamakasmata ixtukuwini chu xatakgsin ixkapsnat xlakata nakatsikán tikuya chixku chu puskat ama.

b) Namakamastayati minkapsnatkán pakgtunu xakana chu pakgkisis nema kaj kalagkslawakaganit, witi tlan makamasta nak xatatsokgnilikán wanikan (archivo electrónico), nawán: tuku ixlagxtú nama kgawasa chu pala tsumat chu pala xalipokgtum, nachuna namakamastá ixkapsnat nema malulokga ixtukuwini, nachuná nema lichiwínán ixtukuwini, nema limalulokga ixpulatamán, nachuná RFC

chu CURP, ti kgalhi liwaka akgtutsiyán kata namakamastá ixliakalhkán mapakgsiná. Pakgtunu kapsnat nemá aku kamapakuwika namakamastkán pakgtun xalilakgaslawakgan.

c) Namakamastakán tu tlan taskujut tlawanit ti malaknumaka. Namá ixtaskujut nalichiwinankán xlakta paks nakgaxmatkán wa chi ama tlan namakikán nak likanlikgaxmatat nachuna nak xatatsokgni nak ixlawán ixtachiwin. Nachuna nak ixtachiwin luwán.

d) Xlakata tlan nalagchán nama taskiw, taskiní xlakata namá tsumat xawá namá kgawasa nemá kamalaknumaka xlakata nakamaxkikán taskiw natamakgalulokga xlakatá kana tu tawán, natamakamastá tatsokgni nema kalimakgchiwinán, nachuná ana natsi la skuja, xlakata namá taskujut nemá tlawanit xlikana makgtaya ixpulataman. Namá wanputún xlakata namakamastá ixtaskujut nema namalulokga tu wan.

Nak xatamaklakaskín likuchu xalak kakiwin, taskiní xlakata ti amaka malaknukán namakamastá kapsnat ana nawán xlakta kana likuchinama tuwán xalak kakiwin, nachuná xlakata makuán ixtakuchit, nachuna atunu ti kamasinima la kuchinankán.

e) Ti pula tapagtanulh nak lamakgatla naka xatamaklakaskín likuchu xalak kakiwin chu takgsnit xalaksasti likuchu xatuwán tlan malakgachapalá ixtaskujut, pala kana xlakata matlaninikán ixliskgalala nalakatipalakan ixtaskujut pala kaj akgskgawanama amaka matampuxtukan.

f) Ni amaka puspitkan taskujut chu kapsnat nema namakamastakán.

Akxni natamakgamaghlthinán ti ta'akpuxkumana namá nak xalamakgatla taskiw, xlakán tlan taskimpala atunu kapsnat xalakta natamakgalulokga pi xilikana ixtakujutkán ti kamalaknumaka.

6. **Lakalhananin taskujut tawán tu tlan nachuna tu ni tlan taskujut.** Lata lakatunu talhán xlakata ana tlan lamakgatla amaka kamapakuwikan xalagks galata tachixkuwit nema taminacha nak pumapakgsin nema talakatiyana nak pulamakgatla, xlanan ta'amana tawan ti ama tlaja, tu natawan chu ama la, nila amaka matunujkán ixtapuwankán.

7. **Lilakapulhán.** Amaka lakapulhkan taskujut nema tlakg tlan, nema tlakg makuan, nema tlakg kamakgtayalh pulataman, nachuná nema nakamakgtayalh lakatunu pulataman.

8. **Taskiw.** Amaka mastakán akgtuy taskiw lata pulakatu pulamakgatla (akgtum xlagkgawasán chu akgtum xalak katla lakchixkuwin). Kgtunu taskiw makachán \$70,000.00 (Akgtutumpuxumukaw milh tumin) chatunu. Namakamastakán nak xalapsnat xlakata tlan natamatajinán astán tawani Contratos de Comisión Mercantil y Depósitos de Títulos en Custodia Administración (Pula ixwanikán Bonos del Ahorro Nacional) chu namaxkikan kapsnat nema namalulokga xlakata xla snun tlan chixku xawa chu snun tlan puskat.

Paks ti tapagtanú nak pulamakgatla amaka kamaxkikan ixkapsnatkán xlakata natapakgtanulh namá nak pulamakgatla.

9. **Tu yaj lakapatakka.** Pala niti malaknuka lata talhán pulakatu pulamakgatla, nama taskiw amaka malakgachakán xapulaktum pulamakgatla xlakata paks namakamastkán taskiw, pala chu talakpuwán ti ta'amana talakalhanán.

Tu ni lakapastka wankan nak je'e kapsnat ti talakapuxkumana ta'amana talakxatlawá.

Pumapakgsin nemá ama makgamaghlthinán kapsnat chu ti kamalaknumaka

Pumapakgsin xalagawasán wanikan Instituto Mexicano de la Juventud
Pumapakgsin nema kamakgtaya lakgkgawasán wanikán Subdirección de Estímulos a la Juventud: Serapio Rendón Núm. 76, Col. San Rafael, Deleg. Cuauhtémoc, C. P. 06470, México, D. F. Teléfonos: 15 00 13 11; 15 00 13 12; 15 00 13 00, ext. 1402 chu 1528. Chu xapuchiwin: 01 800 22 800 92.

Nachuná tawilana pumapakgsin nema ka'axwila lakgkgawasán tawilana lakatsu ixpulataman.

Nema namalagchakán taskujut nak correo certificado nachuná nema chatunu chatunu ta'amana tamakamastá, kawanikán xlakata wataya xalasmalankgán amaka kitayakan lata namakgamaghlthinankán kapsnat ti kamalaknumaka, awataya ama kitaya akghaxán aktsu kilhtamakú xalasmalankgán ixlikgalhikututu ixpapa agosto 2009.

Nachuná tlan akxilati ta'akgpuntumín nemá tatsokgni nak tachiwin maya, náhuatl, tutunakú chu tlanepaco nema tasima nak web xapumapksin xalagkgawasán wanikán Instituto Mexicano de la Juventud nachuná ti tapagtanumana xlakata nata'axwila je'e pulamakgatla.

<http://www.imjuventud.gob.mx>